

einmahl die Zeit käme/das solche Sudel. Köcheren
abgeschafft / vnd liebliche Extracta vegetabilium,
vnd gute Essentia mineralium dargegen gestellet
würden.

CAPUT XXI.

Ein Extractum purgans zu machen.

Recipe Rad. Helleb. nigri zu rechter Zeit ge-
samblet / vnd in der Luft getrocknet / 1. Pfund
Rad. Mechoacæ Jalappæ ana unc. iij. Cinnam.
sem. anisi, fœnic. ana unc. j. Croci Britannici dr. j.
Diese Species mache zu einem Pulver / vnd vber-
giesse dieselbe in einem gläsern hohen Kolben / mit
einem guten dephlegmirten Spiritus V. setze einen
blinden Helm darauff / vnd digerire solche in lin-
dem Balneo so lang / bis der Spirit. V. sich darüber
hoch roth gefärbet hat / solchen giesse ab / vnd einen
andern darauff / laß solchen auch so lang damit di-
geriren / bis er gefärbet ist / dann auch ab / vnd wie-
der frischen darauff gegossen vnd extrahiren lassen /
so lang bis der Spir. V. sich nit mehr daran färben
will / welches gemeinlich zu dreymalen geschicht /
solche gefärbte Spiritus müssen filtrirt / vnd zusam-
men in ein gläsern Kolben in einem Balneo von der
Tinctur gang lind abstrahiret werden / so bleibet
am Boden des Kolbens ein honig. dicker / braun-
schwarzer lieblicher Safft / welchen man also warm
aus dem Kolben nehmen / vnd zum Gebrauch in
einem